

Vargas: «CESIDek ez du inolako loturarik entzuketara sarearekin»

Espetxeratuek garrantzirik gabeko zenbait sekreturen berri bazutela onartu du

Julian Garcia Vargas Espainiako Defentsa ministroak ukatu egin zuen atzo CESIDek edo hemengo ezein kidek Bartzelonan desegindako telefono entzuketara sarearekin lotura duenik. Hala ere, espetxean dauden CESIDeko kide ohiek zenbait sekreturen berri bazutela onartu zuen Garcia Vargasek.

MADRIL

Talde katalanak deiturik atzo agertu zen Garcia Vargas Kongresuko Defentsa Batzordera, CESIDek entzuketara sarearekin izan litzakeen harremanen berri emateko. Ministroak, nola zerbitzu sekretuek erakunde moduan hala aktiboan dagoen horietako ezein kidek telefono bidez egingako legez kanpoko entzuketetan parte hartu dutenik gezurtatu zuen. Onartu egin zuen, ordea, sareko zenbait kideri CESIDen zenbait agiri sekreturen kopiak aurkitu zitzaizkiela, baina diputatuak lasaitu nahi izan zituen, agiri horiek «ez dutela segurtasun nazionala arriskuan jartzen» ziurtatuz.

Antonio Romero IU-ICKo eledunak, bere aldetik, Narcis Serra lehendakariordearen dimisioa eskatu zuen auzi honetan CESIDek izan dezakeen erantzukizunagatik. IU-ICK CESIDen gaineko kontrola Legebiltzarraren esku uztea eskatu du berriki lege proposamen baten bitartez.

PPk ere kontrola handitu nahi



Oposizioak ez zuen Garcia Vargasek esandakoa sinestu.

EFE

du, baina ez IUK bezainbeste. Bere lege proposamenean, zerbitzu sekretuen «helburuak eta birtartekoak» zehaztea exigitu dio Gobernuari, eta «Legebiltzarrak CESID kontrolatzeko bideak hobetzea» ere.

Atzoko debatan, Santiago

Lopez Valdivieso ordezkari eskuindarrak ez zuen Garcia Vargasek esandakoa sinestu. Aitzitik, CESIDek eta Gobernuak entzuketara sareak jasotako informazioen berri bazutela eta «beren probetxurako erabiltzen zizutela» ziurtatu zuen Lopez

Valdiviesok. PPko bozeramailea ez zen izan Defentsa ministroari sinestu ez zion bakararra, diputatu batek, algaraka, Garcia Vargas 'La Maquina de la Verdad' teletastako saio ospetsura joan beharko lukeela proposatu zuen eta.

'LA VANGUARDIA-KO' BURUEN TESTIGANTZA

'La Vanguardia' egunkari hiru buruk eta bere ikerketa taldeko bi kazetarik entzuketan auzia bere gain duen Eduardo Navarro epailearen aurrean deklaratu zuten atzo. 'La Vanguardia-ko' zuzendari nagusia, ekonomia arloko zuzendaria, arte saileko sailburua eta bi kazetariak lekuko moduan deklaratu zuten eta, beraz, ez zuten abokatuaren partaidetzarik behar izan. Arratsaldean, Bartzelonako egunkari honetan eta Antena 3n zuzendaritzako kide izandako hainbat lagun txanda izan zen. Arratsaldean deklaratu zuten artean Martin Ferrand Antena 3ko zuzendari izandakoa zegoen. Martin Ferranden telefonoa 'zultatua' egon zen garai batez.

Bestalde, auzi hau dela eta Bartzelonako Quatre Camins espetxean dauden lau lagunak aske uztearen aurka agertu zen atzo fiskala Bartzelonako Entzutegiari igorritako idatzian. Une honetan kartzelan daudenak hauexek dira: Fernando Rodriguez Gonzalez CESIDeko koronel ohia, Mikel Lejarza 'Otsoa' Poliziaren salatari ohia eta CESIDen aritutakoa, Manuel Maria Sanchez CESIDeko kide ohia eta Jose Manuel Trujillo aurrekoen bazkidea.

Grebarekin bat egitea erabaki du UGTren Batzorde Konfederalak

MADRIL

UGTren Batzorde Konfederalak bere oniritzia eman zion atzo iluntzean gehiengo zabalez Gobernuaren neurri ekonomikoaren aurka greba orokorra deitzeari. Kongresu arteko organu nagusia den honek ez zuen, ordea, grebarako datarik jakinarazi, hori beste sindikatuarekin eta batez ere CCOOrekin eztabaidatu behar den gaia baita bere ustetan. Greba, nolahi ere, urtarileko bigarren erdian egingo da ziuraski.

Goizaldeko sesioan, UGTren Batzorde Konfederalako kideek beren oniritzia eman zioten zuzendaritzak aurkezturiko kudeaketa txostenari. Nicolas Redondo UGTko buruzagiak aurkezturiko txostenak, aldeko 157 boto eta

aurkako sei jaso zituen. Aurkako boto horietatik, bost Eraikuntzaren Federazioko ordezkariak eman zituzten eta beste Ceutako ordezkariak.

Bere hitzaldian, Redondo Gartzarte Hitzarmenaren negoziatzioei buruz aritu zen eta ezinbestekotzat jo zuen Gobernuaren neurrien aurka greba orokorra egitea. Porrot egin duen PSVri —UGTk bultzaturiko etxebizitza sozialak eraikitze kooperatiba— buruz kezkatu agertu zen Redondo, eta gai honetan behintzat, bere sindikatu-kideen «elkartasun osoa» jaso zuen.

Goizeko bileran zehar, hainbat ordezkari —horien artean Miguel Garnacho Eraikuntzaren Federazioko burua— kritikatu egin zuten zuzendaritzak Gi-



Redondoren ordezkapena ere eztabaidatu dute UGTko buruek.

EFE

zarte Hitzarmenaz informazio gu-txi eman izana, ondoren, Apolinar Rodriguez inolako eztabaida izan zenik ukatu bazuen ere.

Gaur arte iraungo duen UGTren Batzorde Konfederalaren

bileran Redondoren ondorengoari buruz arituko dira sindikatu sozialisteko kideak. Hautagai nagusia Anton Sarazibar nafarra da, baina Manuel Garnachok berak bere burua aurkeztu duela jakinarazi zuen atzo.

LABURREAN

JACK Langi diputatu izaera kendu diote

Jack Lang PSko kidearen diputatu izaera Kontseilu Konstituzionalak deuseztatu zuela jakin zen atzo. Goi erakunde honek erabaki hau 1990ean alderdiak eta hauteskunde kanpainak finantzatzeko indarrean jarri zen legearen arabera hartu zuen, Kultura ministro ohiak 90.000 liberaz gainditu zuelako 500.000 liberatan mugatua den dirutza heina. Jean Pierre Pierre-Bloch (UDF) eta François Hollanderi (PS) antzeko zerbait gertatu zaie ●

DOAKO txartela erabili zuen Romerok futbolera joateko

Antonio Romero IUko diputatuak garraioetan dohain bidaiazteko duen aukera erabili zuen joan den azaroaren 17an, Sevillara Espainia-Danimarka partidua ikustera joateko. Diputatuak «tontakeriatzat» jo du salaketa eta partidu horretara IUko ordezkari moduan joan zela argudiatu du ●

AUTO salmenta % 17 jaitsi da azaroan

Auto salmenta % 17,13 jaitsi zen joan den azaroan Espainian eta % 24,52 urteko lehen 11 hilabeteotan. Guztira 55.735 auto saldu ziren azaroan, horietatik 23.313 Espainian egindakoak eta 34.422 inportaziokoak. Volkswagen taldea izan da salmentan beherakadak handiena jasan duena, eta honen barne Seat, % 30,20 gutxiago saldu baititu ●

MOZKOR batek eragin zuen bere auzoaren erreketara

Mozkor-mozkor eginda zegoen Mustafa El G. 30 urteko marokkoarrak eragin zuen bere herikideek Peñagranden (Madril) duten txabola-azoko sutea, goizeko lau t'erdia aldera, pintxo moruno-ak prestatzen ari zela dantzan hasi zenean. Mustafa El G.k sugarrez betetako ontzia buruan jarrita zuen, baina erori egin zitzaion eta bere txabolari eta ondokoei su eman zien ●